



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CXLIX. Elisabeth Sleprow und Beatrix Gustow bewidmen einen Altar im  
heil. Geisthospital in Prenzlau, am 21. Dezember 1373.

---

---

**Nutzungsbedingungen**

[urn:nbn:de:hbz:466:1-55721](https://nbn-resolving.org/urn:nbn:de:hbz:466:1-55721)

vnd bestetigen met dersen Breue alle ihre fryheit, alle ihre rechtigkeit vnd alle ihre alde gewonheit etc. Mit Vhrkunt ditz briues, versiegelt met vnser Majestet Insegel. Geben zu Struvsberg, nach Christs Geburte Drewtzen hundert Jare, darnach in dem drey vnd Siebenzigsten Jhare, am Sante Johans Tag decollationis, vnfers Kunigreichs in den Eilfften Jare.

Aus einem Copialbuche. Der ausgelassene Theil des Inhalts stimmt mit der vorhergehenden Bestätigung wörtlich überein.

**CXLIX. Elisabeth Slepfow und Beatrix Gustow bewidmen einen Altar im heil. Geisþhospital in Prenzlau, am 21. Dezember 1373.**

In Nomine Domine Amen. Anno Nativitatis eiusdem millesimo trecentesimo septuagesimo tercio, Indictione vndecima, Pontificatus sanctissimi in Christo Patris ac Domini, Domini Gregorii Diuina prouidencia pape XI anno tercio, mensis Decembris die vicesima prima, hora nona vel quasi in domo habitacionis honeste et deuote mulieris Elizabeth Relicte Henningi Slepeckow, quondam opidani in Primzlaw, Caminenfis Dyoceleos, in mei Notarii publici subscripti ac testium infra scriptorum presenciam constituta prefata Elizabeth sana mente et corpore ob salutem anime sue et mariti sui defuncti prius dicti dedit et assignauit vnum mansum situm in campis dicte Primzlaw valentem viginti quatuor marcas argenti Brandenburgensis ad augmentum cultus diuini in altari fundato de consensu prepositi sanctimonialium in Primzlaw in Capella Hospitalis sancti spiritus ibidem sub honore beatorum Apostolorum Petri et Pauli, Mathei, Jacobi, Thome et Bartholomei Et preterea honesta et deuota in Christo Matrona et Domina Beatrix, relicta Conradi Gustow, quondam etiam opidani in Primzlaw pie memorie, constituta in domo habitacionis sue ratificauit et confirmauit donacionem factam per prefatum Conradum Gustow sanum corpore et mente dum viueret, videlicet duorum ortorum, situatorum in aggere noue ciuitatis dicte Primzlaw valencium triginta duas marcas argenti Brandeborgensis, quos quidem ortos et pecuniam iam narratam prefatus Conradus ac sua Conthoralis Beatrix ad prefatum Altare pro augmentacione cultus diuini in eo donauerunt liberaliter et dederunt, ob salutem suarum animarum suorumque carorum, sub modis et condicionibus infra scriptis, Ita videlicet, quod predicti Altaris ius Patronatus magistri Gulde et vnionis Piscatorum in dicta Primzlaw habebunt et Domino Bartholdo Meygher conferent pro vice prima, Deinde pro secunda vice prefata beatrix et conradus eius filius ac ipius heredes masculini ipius Conradi ab eo descendentes dicti Altaris jus Patronatus tenebunt ac habebunt et sic deinceps prefati magistri Piscatorum, qui pro tempore fuerint, ac ipsa Beatrix et Conradus eius filius ac ipius heredes alternis vicibus ut premititur dictum Altare conferent sacerdoti ac clerico ydoneo, qui infra annum ad sacros ordines poterit promoueri; idemque sacerdos aut clericus per dictos ad ipsum Altare presentatus Domino Preposito et suis cappellanis in omnibus licitis et honestis obediat requisitus nichilque in prejudicium parochialis ecclesie attemptare debeat, facere seu presumat, missamque suam infra primam missam et ante summam in Parochialibus Ecclesiis debeat ac tenebitur celebrare, quibus videlicet beatrice et Con-



rado ejus filio ac ipsius heredibus vt premittitur ab hoc medio penitus sublatis prememorati Altaris ius Patronatus ad magistros ac alios fratres dicte Gulde et Vnionis piscatorum perpetuis temporibus pertinebit sub formis et modulis preexpressis. Prefati etiam magistri et fratres dicte Gulde et vnionis intendentes saluti animarum suarum ac fratrum suorum, in dicta Gulda defunctorum promiferunt agere memoriam ipsorum cum vigiliis et missis videlicet in festo Penthecostes, feria secunda de Vespere cum Vigiliis ac feria tertia cum missis aut in aliis diebus, si aliquid canonicum obfisteret ad hoc opportunis, ita quod quilibet frater aut soror dicte fraternitatis ipsorum piscatorum ad missam offerent vnum denarium Brandeborgensem aut alios denarios equivalentes. Acta sunt hec anno indictione pontifice et aliis quibus supra presentibus discretis viris Domino Liczyek, Altarista in Premzlaw, Johanne Gustow, Nicola Brabant, Nicolao Morner et aliis pluribus fide dignis testibus ad premissa vocatis specialiter et rogatis. Et ego Rodolphus Suanerbergh, Clericus Caminensis Dyocefeos, publicus autoritate Imperiali Notarius, omnibus et singulis premissis vna cum dictis testibus presens interfui, que fieri vidi et audivi, per alium conferibi, feci et in hanc publicam formam redegi subscribendo eaque signo meo solito signaui requisitus in testimonium omnium premissorum.

Aus einem Copialbuche.

CL. Aebtissin und Propst des Nonnenklosters zu Prenzlau geben ihre Zustimmung zu der Altarstiftung in der Kapelle des heil. Geisthospitals, am 17. September 1374.

Reverendo in Christo Patri ac Domino, Domino Phylippo, Caminensis Ecclesie Episcopo, Marghareta de Jagow, Abbatissa, Katherina Albrechten, Priorissa, Hinricus Dedelow, Prepositus totusque conuentus sanctimonialium in Premzlaw cum debita obedientia, orationes in Domino tam continuas quam deuotas. Vestre paternitati Reuerende pateat per presentes, quod ad fundationem et dotationem Altaris fundati et dotati in Capella Hospitalis sancti spiritus cum quibusdam Eleemosinis iuxta tenorem cuiusdam instrumenti publici desuper confecti videlicet sub honore beatorum Apostolorum Petri et Pauli, Mathei Jacobi, Thome et Bartholomei, nostrum plenum dedimus consensum et per presentes saluo nostro iure damus atque approbamus, Vestram paternitatem humiliter exorantes, quatenus de cetero vt Christi fidelibus cultus diuinus amplius augeatur et ne prefate Eleemosine in dicto Instrumento contente vsus redeant ad profanos, prefatam fundacionem ad dotacionem cum dictis Eleemosinis vestra autoritate ordinaria dignemini confirmare consuetudinibus et iuribus adhibitis debitis et consuetis. Datum Primzlaw, Anno Domini Millesimo CCC<sup>o</sup>. septuagesimo quarto, ipso die Lamberti, Martiris atque Pontificis gloriosi, nostri conuentus nostrique prepositi prius dicti sub sigillis presentibus appensis in testimonium euidens omnium premissorum.

Aus einem Copialbuche.